




100



張右史文集

三

Inches  
Centimetres

**TIFFEN** Color Control Patches

© The Tiffen Company, 2007

Blue

Cyan

Green

Yellow


Red

Magenta



White

3/Color

Black









張右史文集卷第九

古詩

三月小園花已謝獨芳藥盛開

靄々春日晚寂々新陰繁千紅與萬紫盛極  
一時闌西堂晚芳藥百藥乘露鮮紅粧諸美  
人錦繡富春妍東風時過之舞態低昂翻折  
贈懷溱洧感之為三歎

題焦山

焦山如伏龜萬石浸碧浪舉頭北顧海尾眉



金刹壯我開城東樓秀色日相向松杉數毛  
髮人物見下止欲携浮丘公據殼恣潛漾仙  
風如見引金闕或可訪

寄楊道亨

士師我自出爽逸凌清秋年少不飲酒昏燈  
夜間囚君家外大父聽獄代其憂脩飢朝煮  
飯驅蚊夜張幬獄成上府時稽顙呼張侯怒  
心臨繯紲相盜以戈矛無令市死厲請帝號  
重幽

春日雜興四首

桃李用事辰鮮明奪雲綺繁華一朝去黜  
慙杞梓時徂鷹化鳩地遷橘為枳獨有羨門  
生後天猶不死

昔我游京室交通五陵間主客各英妙袍馬  
相追攀千金共飲啜百金顧吹彈纓弁羅廣  
席當頭舞交竿鮮粧耀淥酒錦襯生風灑燈  
燭暗夜艾士女紛相班歡娛曷徂歌轉盼如  
飛翰疊負孤願離街永歎山鳥窺茗飲



簷花笑蔬冷棄捐勿重陳事定須蓋棺  
 客從遠方來遺我彤華管吹之幻人心異境  
 生虛竅礪青嶂橫決春流滿馬蹄交狹  
 斜車轂錯平坦士女競芳辰禽魚蔭修竿作  
 微認涕笑凌沉見纖短停吹歛辰滅耽復  
 空館靈物信所真願恨知音罕  
 潭故邑井猗上宮蘭不食自清潔莫服  
 更幽閨志士耻窮極卷迹甘飢寒佳辰邈良  
 覲觸物懸悲端八途眇回遠經歲曠音翰豈  
 不慕裘馬詭得非所安蟬冕多怵迫繩樞甚  
 憂患枉尋竟何補方柄誠獨難

出長安門

出郭心已清青山忽相對游人傍流水俯仰  
 秀色內誰張蒼玉屏中斷神斧快清伊瀉其  
 間銀漢曳天泓參差樓觀出香靄林麓邃岩  
 叢蒼遠響水影冥空翠同遊得君子同榮興  
 與烟霞令選勝維白茲高杯已塵外

飯昭果寺



飄然乘興遊殺酒笑俗具僧居致野飯草  
亦有趣山僧慣迎客煮茗新泉注岩花得春  
遲晚秀見紅素蕭野市井人物自來去溪  
光送孤舟石色照素樹題名掃高壁歲月記  
所遇書罷迹已陳出門猶反顧

渡伊水

雙岷若爭妍秀色日相射游人誇水東揮榜  
渡清瀉潺湲溪邊風五月自瀟洒中流望南  
北河漢自天下嗟予水鄉客塵土困蹈藉江  
湖久懷歸無地稅征駕臨流動長想照影久  
悲吒滄洲倘有歸功業付高謝

白公祠

斯人不可見千古懷清風猶想鸞鳳姿脩然  
山水中空遺祠象儼過者為肅恭同時富貴  
人泯滅知何窮公惜得所遇慨然屢輸忠一  
傷巧舌刀泯默類瘖聲出處竟無禍卷舒証  
知蹤被獲空歎麟不制方為龍

上皇龕



升危躩石梯已覺毛骨異玄龕剖山腹六月  
霜雪至佛臺磨青瑤紺滑不留水魏數天  
人蒼玉刻冠珮老僧拂高峰上有昔人字國  
都已蕭瑟山澤隱遺事西軒俯堂闕晝夜納  
蒼翠卜築莫後時林中有餘地

石樓

清溪若奔虬八鎖束其頭犇騰去莫脫擺掣  
恣驍猛嘈々戰風霆萬鼓助其勁毅驅石崖  
動氣抱晴日冷我來怯初登注視久乃定悠  
悠山川濶寸目羅萬景平生林野趣踈放謝  
鞭警令期山月出一嘯清夜永

上方

足躡青玉磴躋攀不知勞回頭瞰木杪如覺  
所歷高孤鳥去滅沒奔溪深怒號白日當西  
梁青雲送微颺坐久神慮平微涼清骨毛但  
驚塵垢容俯仰近赤霄古壁有遺字昔人嗟  
寂寥南風不知暑古木常蕭

三龕



萬穴列岩壁三龕獨雄夸封山鑿其骨開像  
儼且呀悲哉輕人功不計歲月賒像成竟何  
補國破荒蓬麻悠清伊水去紫山斜晚  
渚栖暝鷗夕波戰餘霞陵谷良未遷古今如  
轉車應有千年鶴踞頷如咨嗟

晚飯寶應

晚風吹古柏落照明空山深行得寶刹崕嶺  
相回環人遠草木邃境幽魚鳥闕道人掃華  
堂延我具晚食齋庖野菊美石井新泉寒既  
飽陟上方浮香出林端平生麋鹿志強學伏  
車轅塵懷造勝絕欲去猶三歎

廣化遇雨

浮雲蔽高峰臺殿延晚色風聲轉台豪雨脚  
射山白東樓瞰虛明龍甲排松檜蕭森異人  
境坐視動神魄撞鐘寺門掩晚霽尚殘滴相  
携下山去塵靜馬無跡歸來解鞍歇新月如  
破壁但恐桃花源回舟已青壁

寄子瞻舍人二首



皎々連城壁實惟天地珍足傷曾不售寶氣  
終氤氳山川媚餘秀星斗攬奇氛終然不可  
掩三浴被埃塵天王齋戒受巖庭具九賓貯  
之黃金臺藉以九龍茵事稱忘禮厚人誰駭  
其新車輪走四方爭覩快一陳無瑕故易傷  
斂暉志乃神

紛々名利場向背不知醜翟公書其門客態  
自如舊勢去竟詆沮有餘巧升斗高賢少畦  
畛小子多狀候退之呼事生房相肆琴叟事

奇出意表欲辦不及口神明勞忠孝福祿日  
方厚防微無早計求福常恐後

贈楊念三道字

黃鶴樓前月清輝千里寒娟々過江北送子  
別長安長安百萬家車馬無時閒中天聳觀  
闕四海會衣冠憐爾薛蘿子豪華駭新觀蕭  
蕭囊中句飢坐奏清彈漫却久不慙逸思生  
風翰寄毅武昌魚故從儉父餐

曉赴秘書省有感



桃花欲開時長安春正好晴空倍闐闐朝日  
散馳道雲收龍蛇榜爛金碧曉清多不容  
塵虎士守洒掃家無當闕警衿袂免顛倒何  
慙驅歎段吾事不須早儒生近卜祝本自異  
時好聖朝尚文雅詔使窺鴻寶平生一盃酒  
江海送吾老靜喧非人事不得守懷抱跳梁  
于造物乃取鎮鄒誦委懷隨所遭千葉纒一  
笑

贈无咎以既見君子云胡不喜為韻

八首

平生懷想人握手良未易接君同舍歡此事  
非此世十年淮海夢一笑相逢地投分白首  
期願言何有既

賢愚譬觀形美醜不自見醫眩待三折劍鐵  
要百鍊磨君古青銅汰棟寄明辨一智出千  
愚食芹敢忘獻

文風還正始磊落有諸君長者進後生亦使  
我有聞譬如狸與虎偶使並稱文終然不可



及困我力空勤

文衰東京後特起得韓子支撐誅笑中久乃  
化而靡籍漫既洒掃後生始歸市垂君極溺  
手請效我一指

詩壇李杜後黃子擅奇勳平生執羈約開府  
典參軍舉詩康筆徒吟哦謾云々安知握奇  
律一字有風雲

觸有羸其角進有跋其胡膏車秣吾馬白日  
在脩途雖乏無何杯頗多未見詩力學致事

功良田本深鋤

黃子少年時風流勝春柳中年一鉢飯萬事  
寒木朽室有僧寺談房無妾持帚此道人  
事誰令余獨不

南山縛虎師肯顧世書字揚眉哦楚喉鼎伴  
倒俟喜詩教一蒼蠅下到霹靂耳庸々老尋  
常物外有奇偉

昨夜月中一睡殊有秋色覺書所見

戲呈道字



右史卷九  
九  
幽人息遙夜四聽市聲寂月華清可掬天色  
紺欲滴候虫先知秋微響出陰壁精熒高露  
濕斷續殘河白興懷我自出抱器方得擇感  
時當有作酒卷奏金石余方問農圃朝市嗟  
掃迹先寒戒裘褐歲暮養老容

張右史文集卷第九

張右史文集卷第十

古詩

鄙性嗜酒親友所知也紹聖丙子得  
官明道寓居宛丘職閒無事終日杜  
門人知其好飲也或饋之酒不問寒  
暑日輒數酌飲雖不多而樂則有餘  
因讀淵明飲酒詩竊愛其詞文而慕  
其放達因次其韻嗟余與淵明神交  
于千載之上豈敢論詩哉直好飲者



庶幾耳得詩一十九首 缺一首

我欲常飲酒俗事若奪之飲酒不得醉何如  
未飲時顛倒眾譏笑佳處正在茲念此雖杜  
門濁醪日常持

出門禪應接信士不多情對酒輒拜詞好禮  
以求名嗟名幾何曷足善南生共處一泡  
中倏忽風濤驚好飲信無補不飲亦何成

我久喜文詞思與鴻鵠飛老來覺非是念昔  
正可悲買金鑄杜康百拜誓歸依晉陶與康

伯九原吾與歸涉世苦不諳多病身早衰惟  
有尊中酒不與我心違

處樂非縱情處靜非避喧豪夸與枯槁彼各  
據一偏悠然獨樂處在我不在小義皇迹已  
遠三酌呼可還一尊每獨睡不待賓客言

所嗜人不得一物百非是猶有尊中酒道勝  
無敢毀彼哉譏謗者離口不信耳當憂十八  
隔罰此繆語綺

自庇無一椽道人分半宅屋西羅古蹟寒草



無人跡纒、長與少豈復待年百鴉飛朝樹  
踈虫吊宵月白平生或不飲至此方知惜  
曹叅漢賢相椽吏亦豪英四海付醇酒乃真  
知物情止秦餘毒烈一洗百壺傾和氣薰醉  
人金華乃不鳴卑、談治道陋矣洛陽生  
種樹東簷下而來發幽姿微陽動九地光彩  
變新枝榮衰一以異枯槁異神奇消息天使  
然人工徒爾為杜門沽酒飲高粱吾焉羈  
里有好事者我往尊輒開我亦為之盡每往

亦開懷尚慮數見厭動作旬月乘今晨起苦  
晚獨坐見烏棲冬溫雪作雨里巷苦多泥且  
復閉門坐開卷理多諧誰知無言中獨性不  
自迷得意復終日弭車不復回

弱歲慕無名中年頻探道世間無非苦病死  
與生老相尋無窮已通代作榮槁奇哉竺乾  
書百遍愈讀好

寶酒

雖破淨律吾事在律表

昔嘗罹厄疾一卧輒踰時念無所歸咎乃誓



與酒辭那知偶不死持杯復飲茲既欲輒為  
盡快哉復何疑神暢病自失此說信不欺藥  
石傷天和此方吾笑之

與潘仲達二首

東風沛甘雨百物一時好江南桃李盡紅紫  
到百草道傍負擔子寒食歸祭禱念我淮上  
丘三年不能掃

淮陽牡丹花盛不如京洛姚黃一枝開眾艷  
氣如削亭、風塵裏獨立朝百華誰知臨老

眼得到美葵藿

莎雞

金風透殘伏玉樹先秋涼嘍、草間蟲感時  
振衣裳楚客萬里思夜吟怨黎床勞、終夕  
語共此蒼月光孤輪曳獨輿折管韻哀傷辛  
苦幽父兄無衣畏風霜

宦游

宦游吾漫爾本慕致身早秋來憶山若遙夜  
夢顛倒鳴蟲待誰聽落葉煩我掃誰復省勞



人吾生常草、

次韻秦觀

琬琰非世珍昔以羊皮換嗟君復何來衆棄  
乃所玩十年少游兄閉口受客難二毛才一  
第俗子猶憤惋人間異巧拙善琢貴顏汗婢  
娟守重閨倚市巾倩盼君起寶滯貨屢辱坊  
衰悞譬猶外卧塗更侑觥與然琬璉質  
磨琢爭璀璨遲君三年鳴更用驚我慢

阿几

小兒名阿几眉目頗疎明日来書案傍學我  
讀書聲男兒事業多何必學讀書自古奇男  
子往々羞為儒阿几笑謂爺薄雲無家兩看  
爺飢寒姿兒豈合貴富翁家破篋中惟有書  
與史教兒不讀書更欲作何事

宿虹縣驛

長隄隘舟車上下無暫歇煎熬古驛門聒  
爭瑣屑東南淮浙富輸餽日填咽楚風習喧  
早吳舌動嘲嗒平生耽靜意投閑劇含噤况



石地卷十  
茲道路勤強食慰飢渴年來嵩洛興久與泉  
石結終當卜吾廬雲山對華髮

有感三首

一春苦多風桃李見無幾良遊時已失忽  
三月尾中間亦何有徒自亂心耳所嗟遠所  
娛坐費良日晷堂北千葉桃微本混榛枳居  
然未之省一日燦相視零下不忍摘攀玩聊  
自慰乃知物雖微未易即踈棄從今至零落  
猶足伴尊哉仍煩芊綿草藉我花前醉

昨日鴉作巢今者鴉哺兒念知三月闌春物  
行已稀晚風颯不收殘紅怨餘姿回風起輕  
寒擁爐火重吹燈明夜齋靜日滋臨書遲病  
齒不飲酒持盃勸妻兒豈無兒女心惆悵桃  
李蹊彼昏安目前丈夫方有思

古今不殊途掩卷獨長想矣爐與死灰相去  
如反掌彼昏誠不知一醉富莫量那知道傍  
殍曾是獸盃盃一念短販兒豈暇議得喪但  
憐反覆間觀者為惆悵聖賢蹈大方不苟日



前安寄身愛憎間得失真一餉

食菜

大雨困淋漓小雨傷霖霖  
哀哉南嶽人日夜塗手足  
入倉無一粒敢望祈報福  
餘功歸老圃畦菜青滿目  
長官却野饋性禽赦雞鷺  
何須問清白存德芻一束  
歸來輟食嘆每悔釜炊玉  
青衫尚如此何況膏粱腹  
願君少自寬謀遠須食肉

王子開朝散早年以疾病謝事還江

陰求詩為別三首

濟物昔所務捨耕還自非  
駸々老將至忽々意多違  
門有王夫子柴車謝事歸  
令人三歎息羞澁向塵衣

田園何日到水國先秋寒  
興來出飲酒興罷歸杜門  
漫郎游已倦老眼亂丹鉛  
扁舟肯載我共看雪濤翻

避祿免危疾棄鉛得黃金  
鬚眉藹如漆便覺老難侵  
江湖足幽遁市卒或可尋  
莫思芙蓉



子丹田亂君心

暮春奉女兄弟集宴堂

晨暉飛花柳流水灑池塘暮春漸暄燠華構  
蕭朝涼使君薄領暇亦復陳壺觴班坐豈異  
人骨肉皆歡康遙山出遠翠遠水明斜陽歡  
言不期醉淡泊味何長

窺園

吾老懶讀書得閒嘗窺園愛此千樹雪高低  
不勝繁衝風掠之去頗已隨沙塵感之可奈  
何我豈土木人畏病不飲酒已慚愁既真淡  
泊味何長自娛親及賓獨遊還獨吟魚鳥與  
我親悠窺園林趣媿此簪纓身

馬巨濟董役魏王墳作詩寄之

城北牛牌山丘壑其麓事皆有司辨聖世  
敦厚族園林迫復土百役興甚速煩我別駕  
公侵星次空谷郵亭舊客去二副錢  
官皆去閒日睡  
頻足聞鶯有佳興徙倚近喬木櫻笋味鼎來  
管絃調漸熟期歸酌燒酒及此未炎燠



出伏後風雨頓涼有感三首

秋風振秋曉萬境一凄清  
幽草蟲響息高葉露華凝  
戩翼烏尚宿引吭雞屢鳴  
奄留度華歲悵然難為情

三伏如湯釜熏煮理亦足  
西風半夜雨窻戶一清肅  
那能惜搖落共喜過炎燠  
老人亦晨起稍進杯中綠

殘暑扇中盡新涼枕上歸  
微雲起平遠空碧上朝曦

太寧庭栢

微風起清籟烈日交翠陰  
蔭茲金仙居棲殿鬱沉  
永日燕雀下有時鐘梵音  
誰能悟斯道來此契無心

暇日步西園為詩得七篇

酴醾

欲知此園古請視酴醾  
蒼孫枝已輪囷走蔓龍  
虵長春風一吹噓灼  
發奇光仙姝不可挹  
順風飲其香



秋圃

秋圃寂無有蕭條殘菊枝  
老蛩依日叫暗蝶  
傍人飛鎖澁門開  
少莎長人到稀舊  
游渾記  
得到處即如歸

菊叢

下根盤秋泥上葉披霜雨  
唯餘黃金蕊秀色  
日夜吐寧瀕薦九日  
但惜歲行暮吾將屑落  
英持芝蘭鼻路

芙蓉

清霜屬嚴殺松栢氣不振  
芙蓉乃微木脫艷  
獨嬌春穠粹覺蘭疲  
芬敷知菊貧欲攀無所  
贈聊復揀吾巾

橘

奇林蘊貞粹健葉圓青鮮  
中有碧瑤實正味  
百菓先貢包得堯姐  
頌德列騷篇李衡空庸  
林徒列木奴斤

斑竹

重瞳陟方時二妃蓋  
老人安肯泣路傍  
洒淚



留叢筠頰疑曾破化點、留斑鱗慎勿脫水  
去入世多埃塵

種蔬

貧舍無旨蓄種圃治寒蔬縱橫數席間灌溉  
亦勤劬積雨有新甲時摘付中厨何勞樊遲  
學當問漢陰夫

張右史文集卷第十

張右史文集卷第十一

古詩

漫浪翁劉北輿年過壯久不仕嗜學  
著書自名漫浪所居之園林堂室皆  
以是名之求予為詩因記之

堂有書萬卷園有竹千竿逍遙于其間漫浪  
追昔賢乃祖首陽人疾世餓空山堂、秘書  
公亦手犯鯨鱣後來得吾子門戶真有傳已  
信懷道貴預知行世艱婆娑欲頭白不肯彈



其冠我頃未見之千里知肺肝不惜委珠玉  
投我書數編我窮安故逐老去頗知田君獨  
胡取之學問考淵源江鄉歲已晏幽獨抱悵  
悵何當一杯酒與子相周旋

發政亭宿故鎮三首

我別竟陵時楚稻如碧絲秋風發齊安稻穗  
如植旂流并去荏苒客路何逶迤弛擔中外  
下永負山中期

乘月入秋山月午山蹊靜森々松竹林夾道

散踈影陰風留暗壑白露蒙朝嶺耿々村雞  
鳴坐感單衣冷

征人不敢安蓐食待明發澗衝石上雲冷踏  
松間月艱難付一笑歲月驚屢閱偃亞道傍  
松茂冬應可極

江城

江城寒食近風雨作輕寒花落已可惜春衣  
猶怯單畏人成不出已老自無惟沽酒金明  
道回頭十五年



獨游東園

清曉步東園獨游  
悵無侶菰蒲綠已深  
鵝戲春塘雨取酒  
就花傾隔林邀客語  
歸來春興闌睡起日停午

感事三首

投老益無趣  
誤為世塵櫻飄然欲脫去  
疲弱安能耕始謀苦不減  
安敢事功名中路兩不可  
徬徨始嗟驚回轍愴已晚  
悠々事遠征萬物各有求  
我生安得寧

自古衣食動物生  
無時闕春耕望時雨  
厚生常苦乾舉頭呼天工  
天遠安得聞幸此中夜雨  
蕭々洒中田天人兩異情  
相值良獨難水旱與豐年  
由來皆偶然愚夫苦多怨  
智士即而安我歌寧獨此  
萬事一嗟歎

次韻曾存之官舍種竹

曾郎風塵外不似宰官身  
吏舍數竿竹鑿池水粼々  
此君不可疎亦復未步親  
虛心澹相授頗似南郭鄰  
我知王子猷正是君草人



塞獵

十月北風燕草黃  
燕人馬能弓力強  
虎皮裁鞍鵬羽箭  
射殺陰山雙白狼  
青氊帳高雪不濕  
擊鼓傳觴打令急  
戎王半醉解貂裘  
昭君獨抱琵琶泣

同毅夫賀無斁教授

吾聞寬胸民盜若春竹  
笋異時用武吏搏擊  
縱鷹隼洋洋劉太守  
貢文治曹不用刑而盜衰  
豈弟發素蘊  
凶年盜乃滅  
見謂君子敏  
先生衍詩書循

吏副憂軫庶幾從  
風靡少緩求濕緊  
君家丁眉伯學行  
我標準捧書見華  
髮應為一笑聽  
喜晴有感呈晁郎

山城淫雨霽  
窻戶含餘清  
老人午睡足  
杖策遠荒庭  
長夏吾廬秀  
清陰交眾榮  
茫榛莽中  
萱草揚其英  
植杖視夫壤  
悠然感浮生  
淹泊且無嘆  
人事亦難恒  
一旦舍此去  
觸物不無情  
何為久戚遇酒但知傾

春雪二首



春雪驕不行凍雨作飛雪夜深歸無燭已覺  
馬蹄滑那知事未已通夕注不歇堂寒曉附  
火簷滴更清絕前者城東遊桃李架已發陰  
陽不可料寒氣晚猶洩青：高坡麥舊事日  
可閱當春望時雨雪盛或為孽生民常苦勤  
不敢愛膏血如何待一能常苦神物奪范：  
元精理未易論本末解裘換斗酒莫畏衣百  
結

天寒城南寺門外無馬迹東風雪疾消春泥

深一尺豈無老款段畏蹶不敢策還歸見兒  
女怕冷不下席楊雄玄未就雙鬢颯已白雖  
云容載酒此意終岑寂功成則有命生事亦  
人力胡為不自勤守此欲何獲田桑既有裕  
醪醴亦餘溢嗟哉好事客從古百無一

秋感二首

秋日無遠暉秋草無美姿殘蛩弔白日寒鳥  
悲空枝時節一如此余出悵安歸強歌不成  
音還坐空涕垂感動百慮遊觸心遂紛披棄



指勿復道日暮眠吾帷

秋山多遠殺日暮尤百態鳴風落高樹清澗  
瀉寒瀨鳴蛩默誰憐瘖死不償罪蛩啼獨不  
己有愬未達解天時激汝曹寧自知進退吹  
噓成踴躍芻狗忌撤祭庭空月宵桂園冷露  
晨沛嗟哉心難忘俯事還感槩

閨子瞻嶺外歸贈邨老

今晨風日何佳哉南極老人度嶺來此翁身  
如白玉樹已過千百大火聚望天留之付真

主世間毒烈計已誤柯山潘子應鼓舞與子  
異時從杖屨

次韻蘇公武昌西山

靈均不醉人楚醅秋蘭蘼蕪堂下栽九江仙  
人棄家去吳市不知身姓梅東坡先生笑二  
子一丘便欲藏崔嵬脫遺簪笏玩杖屨招揖  
魚鳥營池臺西山寂寥舊風月百年石尊埋  
古埃洗尊致酒招浪士荒墳空餘黃土堆但  
傳言語古味在一勺玄酒藏山巖鄧公歎息



為摩撫重刻文字蒼崖隈五年見盡江上客  
兩屐踏遍空山苔謝公富貴知不免醉眼來  
為蒼生開長虹一吐誰得掄六翮放在何曾  
摧橫翔相與鴻願雁寶劍再合張與雷山猿  
澗鳥汝勿怨天遣兩公聊一來豈如屈賈終  
不遇詩賦長遣後人哀

宿難東逆旅夜聞歌白公琵琶行道

人歡者

元和才子悲流落一聽琵琶謂天樂青衫衰

淚作長歌誰取篇章和宮角難東夜久行人  
稀卧聞此歌者誰歌侶舊時人不見舉頭  
欲聽淚雙垂西堂青鎖春無事幾聽此歌還  
幾醉東風桃李作黃埃寶篋唇譜間字一  
聲一聽一情傷未老應知幾斷腸展轉曲終  
燈燼落荒城寒月夜飛霜

木芙蓉菊花盛開

空山岑寂何所有晚菊芙蓉相對幽伴我悠  
悠過閨日憐渠灼灼媚窮秋清香但欲持供



佛醉舞何妨  
挿滿頭此生萍梗難前料  
知復明年相見否

西風

西風吹屋絡繹鳴星河  
錯落已三更軍城傳  
警萬家靜山堂含風遙  
夜清雲收纖月映山  
盡天轉北斗向江傾  
舍南高林栖鶴鳴危枝  
高巢離夜驚

觀梅

北風號夜天  
兩霜屋東梅花晨洗粧  
老人旦

起萬境寂一笑向我吹微香  
風月精神珠玉骨  
冰雪簪珥瓊瑤璫  
天姝星艷下人世靈真  
高秀無比方  
老人年々被香惱  
學道無力時  
清狂吟詩覓句苦  
無味剪枝挿頭羞  
鬢蒼眼窺手採心愛惜  
倘可取餌充朝糧  
不如痛飲卧其下  
醉魂為蝶棲其房

魯直惠洮河綠石斫冰壺次韻

洮河之石利劍矛  
磨刀日解十二牛  
千年虜地因沙磧  
一日見賓來中州  
黃子文章妙天



下獨有八馬森幢旒平生筆墨萬金真奇煤  
利翰盈篋收誰持此研參案几風瀾近手寒  
生秋抱持投我棄不惜副以清詩帛加璧明  
窓試墨吐秀潤端溪歛州無此色野人齋房  
無玩好慙愧衣冠陳裸國鬼侯碧海為文辭  
盤礴萬頃澄清漪新篇來如徹扎箭勁筆更  
似劃沙錐知君自足報蒼壁愧我空賦瓊瑰  
詩

福昌秋日效張文昌二首

秋野無人秋日白禾黍登場風索索豆田黃  
時霜已多桑虫食葉留空柯小蝶翩翩晚花  
紫野鶉啄粟警人起落陽西原君莫行秋光  
處人情  
黃葉蕭蕭秋水清田中日午村雞鳴場邊九  
月禾黍熟空原雉飛飽新穀棗籬重鳴村路  
曲道邊古墳生野菊人稀田潤草茫茫洛陽  
秋穀能斷腸

贈張嘉甫



浮江大江里三千歸掃先隴清淮孺杜門古  
寺厭岑寂夢寐清穎如家山汝陰昔謬稱刺  
史自愧何術甦惘瘳平生為吏甘賤拙敢作  
姦賊傷民田未憂懷輒擊之去乃欲築室買  
一廛草瓢三畝芳辨耳寄教父老不汝干長  
淮清冬龍蜃蟄放舟出郭天宇寬浮梁橫前  
嬾可纜金塔却立儼莫攀髯張幼好此奇服  
白壁刻珮鳴玦環抱持微學不忍棄清明竹  
林遭削刑三年江湖友魑魅一日寶府觀瑜  
璫漸消鄙吝心自喜追計存沒涕亦潛尋山  
把酒豈易得客路霰雪衣裘單塵埃可洗憂  
可豁待君一勺玻璃泉

題江州琵琶亭

危亭古榜名琵琶尚有楓  
連荻花嗚呼司馬則已矣行人往來皆嘆嗟  
司馬風流映千古當日琵琶傳樂府江山寂寞  
三百年潯陽風月知誰在  
我今單車犯江潭往來略已遍  
東南可憐千里傷春眼不待琵琶淚滿衫



余官竟陵時李文舉嘗以事至郡同  
遊西禪刹陸子泉烹茶酌酒甚歡也  
今歲余移官齊安文舉自武昌渡江  
過我與之飲酒西禪舊事慨然

此生放蕩隨群動一覺竟陵瀟灑夢江山  
喚我此中來却愁風月無人共李侯年少能思  
我辭朝雨漿歸潮送不辭酒薄與君飲坐覺  
西山夕烟重西禪舊遊已陳迹壁間陸子塵  
生供石欄古井誰知味只有松風自成弄愛  
君為吏無俗韻快誦離騷飲仍痛不嫌寂寞  
過我來古縣年豐少爭訟

乞錢穆父給事丈新賜龍團

閩侯貢璧琢蒼玉中有掉尾寒潭龍驚山作  
春山不覺走馬獻入明光宮瑤池侍臣最先  
賜惠山乳泉新破封可得作詩酬盃簡不須  
載酒過楊雄

將至都下

竟陵南望稻新熟夢澤悠悠傷遠目春風嶺



上望齊安大吳城邊攬秋菊那知歲暮東州  
客大山蒼寒曉霜白雲收霧卷日月明却上  
天衢瞻玉色整裘疲馬古道長九旬刺史歸  
空囊歸去故人應笑我滿衫清淚說潯陽

題韓幹馬圖

頭如翔鸞月頰光背如安輿亮臆方心知不  
載田舍郎猶帶開元天子紅袍香韓幹寫時  
國無事綠樹陰低春晝長兩髯執轡儼在傍  
如瞻馳道黃屋張北風揚塵燕賊狂廐中萬  
馬歸范陽天子乘驟蜀山路滿川首宿為誰  
芳

因沙阻風

大江春風浪如屋客舟迎風因沙宿連檣接  
施古岬傍岬頭無人春草綠船頭日出炊烟  
起買魚携菜來就市漁人水惡不出門蕭條  
野市無雞豚堤邊紙錢灰若雨沽酒賽神巫  
降語南人艇子不避風橫江五兩翩去

寄曼叔求酒孫端明



青衫畿丞頑不羞三十持板拜督郵歸來無  
物與消愁典衣沽酒寒無裘囊空酒貴不可  
得縮手愁坐凝雙眸秋風破屋冷颼颼夜長  
不眠吟掉頭豈無隣家酒可偷簡書縛汝如  
窮囚淮陽冬醪滑勝油唇焦不飲已經秋汲  
公直毅聞九州小子昔也從公遊憫憐憔悴  
賜顏色時片餘酌濡其喉軍厨嵯峨糟作丘  
萬甕沸響玉蟻浮鰓魚所願斗水游不敢多  
取煩陽侯玉笋未至涎已流想見漱滌盈金

甌歌成緘書還自咻一醉猶須越境謀

大風與楊念三飲次作此

北風黃雲卷飛沙吹暗長安百萬家溫爐對  
酒慎勿出且看酒面生浮花為我吟詩說雲  
夢荆江洞庭方洶湧吟戒飲君三百盃莫學

雪中驢上報酸哀

張右史文集卷第十一



張右史文集卷第十二

古詩

有感三首

城本自貳師謀騎士拔劍猶封侯董生明  
經守正直白首區區相侯國參差世事足嗟  
嘆叶平我笑群兒較目前可能董子之榮辱  
乃在封侯得失間

群兒鞭笞學官府翁憐癡兒傍笑海翁出坐  
曹鞭復呵賢于群兒能幾何兒曹相鞭以為



戲翁怒鞭人血流地等為戲劇誰後先我笑  
謂翁兒更賢

南風霏麥花落豆田漠漠初垂角山邊夜  
半一犁雨田父高歌待收穫雨多蕭瑟  
寒蠶婦低眉憂繭單人生多求復多怨天工  
供雨良獨難

題大蘇淨居寺

平生愛山如好德未嘗一飯忘泉石大蘇山  
下松栢林路盡重門照金碧思公得道神所

相指示崑幽駐錫天台妙教源欲啟來此  
一酌曹溪滴兩公道場守龍象兵火暫晦終  
暉赫撞鐘伐鼓食千指皆二大士之餘力縈  
紆石磴造山頂上有玉人方燕寂北軒三伏  
飛冰雪一日掠盡淮山色東遊塵土我實倦  
道過化城聊暫息青鞵布襪舊家風此身終  
效名山役

客過

歲窮北風卷平楚張子畏寒深閉戶扣門過



我者為誰束帶出見亦良苦  
俛看謂客子勿  
喚我心善煩勿多語  
天寒酒賤冒不飲安用  
造謁勤如許

謁客

入門投刺吏翩翩  
我非欲見禮則然  
異哉賓主兩無語  
客趨疾走如避燃  
我已不恭愧昔賢  
忍使塗炭朝衣冠  
人生暫聚鴻集川  
春風吹飛何後先

迎客

城門抱關皆老兵  
問客來早天未明  
我笑老翁勿嘲訕  
我愧古人百千萬  
道傍燁：翁所見  
寒熱郡國欺鄉縣  
人之所畏敢不畏  
嗟我此翁安得慢

局中晝睡

鳥啼花開千萬思  
春色醉人成午睡  
燒香掃地一室間  
藜牀布枕平生事  
君知章華久寂寞  
楚夢無人憚青兒  
東風轉野作晴雷  
蕩颺山川作紅翠  
白日下照七澤寬  
孤城樓觀失



石史卷三  
三  
餘寒頗恠故山頻入夢年來真厭楚人食

園花盛開種病不能觀作詩諭之

東風著花披靡花風吹人欲醉老翁蓬  
花如啜醑強自挹酌終無味鬪紅鬪綠態千  
萬長笑花工夸幻事若知空色無異觀世上  
何曾有桃李

魯直見和甫詩再用前韻

濟物非僕功名愧無心倚市安能美汲泉  
不厭深老人夙有尚竝跡好叢林安能紅塵

裏徒使老駸

小孤山

一峰枝水孤劍立古廟開簾雙臉紅水邊古  
木老龍蟄山下水色磨青銅我来扁舟望有  
禱萬頃春水清塔明神報我意加厚嗟我  
薦獻愧不豐重遊知復在何日俯仰天地身  
飄蓬

初伏大雨呈无咎

初伏炎、坐湯釜長安行人汗沾土誰傾江



海作清涼玄雲駕風橫白雨普陀真人甘露  
手能使渴之厭膏乳且欲當風展簟眠敢辭  
避漏移牀苦清貧學士卧陶齋壁上墨君澹  
無語翰林但解嘲首着彭宣不得窺歌舞聯  
詩得句笑出省策馬涉泥歸閉戶牀頭餘榼  
定何嫌意外石榴堪薦俎

謝黃師是惠碧菴枕

一云師是既碧  
菴枕短篇償值

聾人作枕堅且青故人贈我消炎蒸持之

室涼風生腦寒髮冷泥丸驚夢入瑤都 玉

城仙翁支頤飯未成鶴鳴月高夜三更報秋  
不勞桐葉敲我老耽書睡苦輕遠牀唯有書  
縱橫不如華堂伴玉屏寶鈿歌斜雲鬢傾

到陳午憇小舍有任王二君子惠牡

丹二藥皆絕品也是日風雨大寒明

日作此詩呈希古

初來淮陽春已晚下里數楹聊寢飯此邦花  
時人若狂我初稅駕遊獨懶任王二君真解  
事來致兩槃紅紫爛天妹國艷照蔀屋持供



佛像安敢慢江湖逢春豈無花格頑色賤皆  
可揀誓觀中州燕趙態一洗千里窮荒眼風  
波歷盡還故郡此願誰知輒先滿那知中夕  
忽凜烈卧擁牛衣眠失旦名園泥淖安可入  
坐惜殘芳風雨散東隣夫子亦嗜酒卧聽午  
雞方起盥晴明猶及一寓目我老尚能揮大  
醜

次韻答天啟

黃鐘無殺登瓦釜蔡子青衫在塵土逼人爽

氣百步寒知子胸中有風雨三年河東走胡  
馬絕口魚鰕便酪乳歸來萬卷付一讀不學  
兒曹用心苦周瑜陸遜久寂寞千年北客嘲  
吳語莫徒彩筆雲錦張要是寶劍蛟龍舞天  
兵百萬老西北快馬如飛不出戶眼看六纛  
出麒麟走取單于置刀俎

麀猿圖

陰崑萬古無纖塵木石翠潤無冬春時哉兩  
猿挂復蹲其子抱子為屈伸下有遊貍意甚



馴雄雌嬉遊循水濱  
沐猴過壘懈欲奔  
據高自得俯而捫  
懸之門堂閱疑真  
妙哉易生筆有神  
以此成名以終身

謝錢穆父惠高麗扇

三韓使者文章公  
東夷守臣親掃宮  
清嚴不受橐中獻  
萬里

扇六月長安汗如

洗豈意落我懷  
袖裏中州剪就霜  
雪純千年淳風古  
箕子

聞蛩有感

遙夜飛螢動秋思  
獨卧空山驚晚歲  
可堪六月已聞蛩  
日暮吟響庭際  
閨河多風氣蕭索  
碧樹先秋早採落  
鳴機夜織常怨寒  
白紵吳衫苦輕薄  
年促織誰最悲  
堂上美人愁翠眉  
清砧揭練對殘月  
玉筍啼紅裁遠衣  
唐風詩人勸其主  
行邁苦遲嗟歲暮  
山城聽汝已三年  
三年白髮多子故  
飄秋夢到江湖  
我欲東歸繪碧鱸  
安能為爾將雙淚  
歲風前沾客裾



赴亳州教官次韻和中書錢舍人及

亳州守晁美叔見贈

久知踈慵難應接勉強一官親訟牒羈窮正  
似鳩無巢擺去不如魚有鬣從來書史鈍蹊  
徑更歎詩騷窮事業幾思孤白易絮纏羞禡  
舊服求新袂又憐夸毗竟何得把玩區區一  
蚊睫久知趨向合肌寒止藉文章謾嚙嚼紫  
微丈人椽作筆誰得羸師傳謀知擒敢慢  
武侯縱有穿前知魯侯歛荒蕪滿編求指摘

望以餘光分晷暉乃蒙稱屈力褒揚不意糞  
壤藏諸篋獲如丘陵飽則可良御不悅猶非  
獵平生遇賞有君子處世雖鈍吾知捷清閒  
得食學官祿願以詩書填吻頰牙懸喜校鄴  
侯籤藤織新成沈郎笈晁公散名三十載餘  
事筆縱傳法帖紫芝眉宇望不遠屈指數日  
無旬浹黃衫健步書見賜紫誥除官守何躡  
久懷薄技待後乘宣管盈囊紙來歛坐垂前  
計空恍悵袖裏從今雙手壓醉歸應被官長



石見卷三  
睡來飽徒勞方翔獵

暑毒不可過又每為賓客見擾午寢  
不安奉懷邠老之無事也

桃李成塵鶯未老梧桐未落蛩已多杜門高  
卧作閒計挾策讀書如懶何頗遭縱橫驚午  
夢正坐熱行官不响柯山大隱羲皇上清風  
一榻無經過

和立之消梅

木奴度淮輒為枳后皇畜之理應甬青梅十

里江南春何時相逢車馬塵我衰病齒不能  
酸微香觸鼻舌生泉想見曹瞞老狡獪指林  
駐馬三軍前

送歐陽經赴蒲圻

異時堂飲洋川酒幾喚扁舟度樊口西山泉  
石多故人送子南行一曲首蒲圻小縣聊讀  
書當使里閭無呻吟結束歸來接臺省不應  
厭食武昌魚

蘇叔黨呂知止許下見訪叔黨有詩



戲贈以此奉荅

三年齊安有江山可當中原故人面北來塵埃  
送故人眼前却作江山見君似江山定不踈  
能出吾言世亦無蘇部下筆妙無敵呂即與  
談驚未識鳳雛驥子未宜輕囊空各有千金  
壁贈君錦繡與瓊瑤報我琅玕毛潢汙未相棄  
歲暮與君甘緼袍

溪

不寐

荒庭雨多秋草青秋菴相語秋夜深草虫暗

飛羽格磔星河影高天淡白騷人多懷夜不眠  
老松微吟風颯然山川浩蕩何日還晚空漫漫  
白露寒

對蓮花戲寄晁應之

平池碧玉秋波瑩綠雲擁扇青瑤柄水宮仙  
女鬪新粧輕步凌波踏明鏡彩橋下有雙鴛  
戲曾託鴛鴦開深意半開微歛竟無言裛露  
微洒秋淚晁郎神仙好風格須遣仙娥伴  
仙客人間萬事苦參差吹盡清香不來摘



上元日早起贈同遊者

夜來人散殘更月曉陌空存舊車轍彩燈城  
市已春風寒木人家猶臘雪強起相送酒未  
醒殘膏宿火尚熒歸來更拂障泥錦重勒  
黃昏信馬行

贈李德載

男兒當讀五車書  
輟業應須蓋棺日  
人生事業要強學  
譬彼欲耕須待隍  
李郎落竒文  
夫美玉應須作圭璧  
請將便腹包五車  
汲

講摩如故疾

蒙恩守東魯不意流落之餘聖朝昇  
之藩鎮感而成詩復用李文舉韻

我師四十心不動  
寵辱悠悠付春夢  
聖朝湔洗諸老成  
願我衰晚名亦共  
魯人詩書久寂寞  
間壁不歸書府送  
道衰洙泗忽千載  
後來為政誰輕重  
平時擇守要有補  
豈但坐使民供貢

有游夏未肯無言受愚弄  
天王有意蘇疲俗何術與紆鞭  
筆痛應須問道



東家翁必也斯民使無訟

游武昌

一葉橫江凌浩渺李君見我迎  
門笑鵝黃初熟醅旋壓書室焚香地  
新掃淋漓歌笑不知夜竹榻枕藉眠  
諸少老人被煖覺獨晚驚起東南日  
如燒四明陳子定爰客生火寒廳邀  
我到盤敲香潔具俄頃鱸斫寒魚初  
出沼仲謀霸氣久寂寞元子亭基尚  
危峭荆榛荒梗上石磴人物清江開  
野廟莫投明府快一飲

主意殷勤賓屢醺星河破碎歸中夜  
明日清淮理歸棹王家園館靜人眼  
挂壁於菟疑欲敲殺雞為黍辦倉卒  
者画烹茶每醉飽還家閉門空寂歷  
勝境目前皆了茲游可再誰汝番老  
懶似不能輕矯西山得霜瘦如削蕭  
寺崢嶸出粉籜棄余腰髀猶足使與  
子凌寒恣游眺

春日

堂：春日躍出山郊原草木皆清新  
千紅萬



紫各有態正自酬酢勞精神短離誰家小桃  
李雖復幽陋亦可人但知痛飲莫辭病數年  
幽憂難具陳

劉壯輿是堂詩并序

子劉子構堂于宦舍名之曰是而求予為  
詩予復之曰夫物生之所必有而其為物彼  
是相次而不能定夫一者天下之是非也雖  
聖人出無如之何昔楚人有莊周者多言而  
善辨患夫彼是之無窮而物論之不齊也而

託之于天籟其言曰吹萬不同而使其自己  
也周之為此言自以為至矣而周固自未離  
夫萬之一也而曷足以為是非之定哉雖然  
如周者亦略稅駕矣劉子乃構堂揭榜而獨  
以是非自任吾將見子物弊氣殫而言  
語之戰未已也嘗試為子歌堂中之樂而息  
子之勞庶幾隱几而喏然者乎歌曰

讀堂中之書兮以致子之眠飲堂中之酒兮  
以休子之言是非雜然于子之耳兮付庭中



之嘆蚓與夫木上之鳴蟬庶幾養生而保和  
兮窮子之年

秋曉

老人不睡秋夜長五更鼓角鳴東堂悲菘沐  
下欲無語黃葉瓦清新有霜雁聲相應江南  
北斗杓欲下天中央老人山尊有美酒岷中  
先酌一杯嘗

東方

東方未明更五鼓星河寥々寒雁度錯々鳴

鐸誰家車陌上驅牛輟霜去北風吹面足踏  
冰村南早飯天未明年々輸稅洛陽城慎莫  
後期官有刑

寒蟲

寒菘振翼殺騷々夜深月影在蓬蒿老人雖  
眠睫不交愁窸人寂燈無膏荒城鳴金睥睨  
高北斗下挹西江濟悲加三奏老雞號晨光  
出山開沉寥

秋雨小酌贈賈七



出門秋雨泥漫漶，嗟我后土何時乾官曹事  
休歸舍卧破屋淅淅，西風寒弱妻傾榼勸我  
起稚子笑語爭杯盤我生樂事但如此為爾  
一醉愁腸寬仕途翮翮，聞巧捷華裾鮮穀相  
追攀老來百事覺羞耻懶伴兒女塗鉛丹賈  
郎豪華獨異我粉腮玉指雙鷓鬢清眸侷酒  
醉百酸肯咀貧甕寒齏酸堂前菊花日以好  
落砌檝，梧桐殘當謀痛飲待九日豪氣一  
壑龍山桓

今日

今日寒氣至晨坐進一杯一杯未能已三酌  
竟空壘我有胃臆事欲言誰使陪往，中夜  
歎鬱結無由開賴此樽中君破悶有來時  
時從之游報我以歡吟古國多寒者老妻治  
炮煨誰云一日富此價萬瓊瑰

將至官坡登一土岡望復州作

茫茫夢澤連禾黍斷壠橫岡散平楚登高試  
望竟陵城孤烟落日知何處舊遊如夢去莫



挽客愁舟，還如故。他年若問鴻軒人，堂下  
薔薇應解語。

送子野大夫罷充倅歸汶上

愛君託覽老不衰，日早起先鳴雞白頭未。  
蒙國士知佐郡秩滿，寂寞歸我辭。魑魅得一  
麾，逢君話舊相。嗟嗟，幾年東壁無光輝。不知  
武庫實在茲，上書薦君非我職。臨分一醉當  
無辭。

晨起苦寒

夜霜漫屋風折竹，我乃與君在空谷。平生一  
衲度嚴寒，塊守深爐體生粟。大潘借馬貸監  
河，小潘無事仰屋歌。妻兒號寒劇，雁鵝詩書  
滿腹將如何。

舟次安州孝感縣，偶感寒疾，卧病舟  
中，復大風不可解，舟晚方離。

船頭風散鳴萬鼓，兩岸繫纜沙邊樹。船中病  
客晝閉篷，睡起空江日亭午。雞犬蕭條數家  
縣，市聲已變淮南語。長年三老喚不醒，一葉



波間去如舞

和大雪折木

季秋木葉未全落西風卷雲飛雪作奔騰傾  
倒來不停頃刻山川失寥廓白頭老翁仰天  
歎一生未見可吁愕但悲無食飢凍死何暇  
更議陰陽錯樵車不來椽數盡仰徹屋茅烹  
菟藿坐愁窮臘安可度律管未改初冬朔我  
居堂前有大榆百年老幹龍鱗剝夜殺疑是  
神物伐參天大枝脆如斲披簷擲瓦事未測

起坐明燈徹其幄命乖久遭窮鬼笑當慮壑  
覆崩其角鹿山長官當此時高樓大飲縱歡  
誕兩邦相隣無百里誰謂同時異憂樂尚能  
怨嗟念窮苦喜君于物心不薄百里飢寒仰  
長官勉克此心救民瘼

張右史文集卷第十二



張右史文集卷第十三

張右史文集卷第十三  
美哉  
清穎尾西通天邑無千里舸舨大  
編起危樯淮穎耕田歲收米范、破澤帶平  
原古時溝澗還相連昔人屯田戍兵處今人  
阡陌連丘墓今年雨足種麥多北風吹葉鳴  
空柯高城面望鬱嵯峨豐年閭井闐笙歌河  
邊古堤多老柳去馬來船一回首百年去住

張右史文集卷第十三

古詩

美哉

美哉洋、清穎尾西通天邑無千里舸舨大  
編起危樯淮穎耕田歲收米范、破澤帶平  
原古時溝澗還相連昔人屯田戍兵處今人  
阡陌連丘墓今年雨足種麥多北風吹葉鳴  
空柯高城面望鬱嵯峨豐年閭井闐笙歌河  
邊古堤多老柳去馬來船一回首百年去住



不由人歲暮天寒聊飲酒

納涼

靡、春事退寂、夏日長日西騎馬歸卧此  
北戶涼官事幸休逸甘為白頭郎朝出暮還  
家悠、愧路傍所飲藥物靈煩覺疾病康幸  
免三已慍敢希五饋漿難堪七有餘不過三  
已嘗呼兒且糲食貧固士之常

白樂天有渭上雨中獨樂十餘首做  
淵明余寓宛丘居多暇日時屢秋雨

做白之作得三章

寒極則有暑晦久則有明開闢迄今茲此理  
信可憑炎、者易滅魏、者必傾聖智無奈  
何況此愚昏泥設羅以獵獸切骨陷其膺重  
勢以鎮物懸絕壁其

獲呈物情千萬變可盡得經營

士

葛帶而蘭纓無求復無憂容貌甚和平

秋氣日姿清悠然有佳興美酒時一

傾



罷官卧窮巷值此雲物孤連延經旬而城市  
欲行舟柱礎變物塘瓦溝成暴流蕭然殘暑  
退寒事戒衣裘老人朝睡足起坐梳白頭呼  
童飭晨滄薪濕爨婦愁洗我朱提杯不復具  
肴羞一觴已徑醉萬事良悠

故人遺我酒氣味芳以清置之屋壁間興至  
時一傾銀杯度一合三酌已微觥既免戒沉  
酒且無憂病醒愁阮愧令德劉石無遐齡荒  
狂有何樂徒以酒自名吾幸免困此度幾盡

平生

謫官黃州至南頓驛同李從聖叔姪

小飲

共飯何草客來從遠道傾壺得殘酒聊以  
開懷抱年將半百兩鬢華謫官憔悴來天涯  
神理可憑吾道在不應長遣路人嗟

權勢

權勢世所重桓温役孟嘉桓公自人雄為下  
未足嗟頗怪蔡中郎為董受玼瑕因之以取



死曾不念漢家士固感知己尚安知其他搜  
牢則可誅好邕自其佳

臨文

一病廢百嗜好文心未忘南窓納虛明羅列  
陳縑細茫昧考巢燧典章斷虞唐清研進屈  
景雋永旌蘇張少狂不自料遇事形文章誤  
逢作者嘆因復力披據蹉跎生白髮始抽石  
室藏粗見漢家事濡毫時否臧文詞比工祝  
不殊公卿行何用疲心精舍本棄耕桑讀賦

意凌雲律令尊張湯榮華繫遇合才技無短  
長頗師老氏術抱璞和其光無營以卒歲刻  
意翰墨場

自淮陰被命守宣城復過楚雨中過  
道孚曰同誦楚詞為書此以足楚詞  
秋庭新過雨佳菊獨秀先含芳良未展風氣  
已清妍金鳳汝妾婢紅紫徒相鮮老人對節  
物昏祇欲眠與子讀楚詞疊々忽盡編嬾  
嬾兮秋風慘慄在遠行蟋蟀鳴西堂淹留了



無成

寓陳雜詩十首

傳舍不可久束裝投新居新居亦苟完佳木  
頗扶踈洒掃尋丈地琴書遣朝晡風雲中夜  
變大雨如決渠落點若強箭穿我老屋塗中  
夜起明燭移牀護吾離傳聞北城隅老弱堤  
上廬官吏擦舂鍾紛々役千夫燈漏或一決  
城闌變江湖吾衰也久矣豈復憚為魚

昔記古甲子商滅而周興如何雨此日乃為

霖雨徵陰陽久乖張此事頗有憑豈天悔牧  
野洗此漂杵腥舊雨水未乾洞房吾欲青新  
雨雖霖々欺我牆善崩虛堂就夕眠永夜楸  
桐殺蕭然秋氣至豈覺巾屨輕憐我老病者  
三伏困薰蒸得涼且飽飯何暇念秋成

朝雨如零絲咫尺不相辨俄然晨光漏紺碧  
出天面天工步明晦頃刻俄屢變今朝事大  
定雲物卷組練客有北來說蠶生被數縣穀  
穗無一粒遺稈如立箭旱田成大澤投種哀



莫見官人情不知猶喜輸租辦興懷及鰥寡  
猶愧吾飽飯

唐有元相國實殺顏平原平原腹有丹尸解  
神已仙顏公死已矣人見如生前致令遺其  
像委曲與人言相國死倉卒穢幾塞其咽家  
門隨手破但怪椒斛千顏公黃塵外風節猶  
凜然元子墮九幽遺集萬世傳

清夜何晏々客眠亦復佳鄰鐘喚我覺咽々  
聞城茄披衣行中庭星漢已橫斜缺月挂西  
南皎々流清華莎雞振其羽蟋蟀旁悲嗟悠  
哉歲已秋日月如奔車

開門無客來永日不冠屣客至我老懶投刺  
輒復去端成兩相忘回得百無慮故人在旁  
郡書信不能屢興哀東坡公將拚却山墓不  
能往一慟名義真負有負可能金玉骨亦遂黃  
壤腐但恐已神仙裂石終飛去

疲馬斃枯草閉門苔蘚深闕坊居人少秋日  
踈槐陰境寂心亦闕蕭然散中襟靜中有深



趣因見至人心谷神古不死茲理良可尋無  
令見草覺一撫無絃琴

念昔為吏日朝夕羨人間解印出公府翛然  
若歸山衡茆三畝居無客門常閉早眠而起  
晏永日或不冠故人遠寄酒為致一醉歡我  
亦領其意呼兒具杯盤長閨貧亦好安用朱  
其轄我生本蓬華久已傲飢寒

我不知暑退但覺衣汗乾頗怪庭中天湛然  
青已寬有物叫草根啾々自相喧問知己新  
秋大火流金天九土變寒暑正甬事亦繁靜  
觀付一笑吾事寧相閑但無筋力健悠然佳  
意還喧々憎隣里砧杵亂人眼

秦子死南海旅骨還故墟辛勤一生事空得  
數編書琅々巧言語玉佩聯瓊琚知者能幾  
人憎者頗有餘書生事業薄生世苦勤劬持  
以待後世何足潤槁枯興懷及昔者使我渟  
漣如道路阻且長悲哉違撫孤

寄李端叔二首



束髮聞至道，榮辱久齊觀。中年嬰世故，已復  
傲憂患。閔居雖荒寂，几杖頗清晏。悠々閔  
景阜，貧寢飯狂言。無為發濁酒，醉自勸與  
君。通家舊通者，頻屢見相望。豈云遠，教舍隔  
異縣。吾人師佛祖，妙旨得忍架。歛藏避世俗，  
未免造侮訕。坐令鬢垂雪，猶把從事版。尺書  
每見警妙語，珠在貫。復君進明德，同遂丘壑  
願。

陳墟自古皇，疆野實楚縣。沃野接神畿，荒溝  
漕淮甸。民風靜而陋，原隰平以遠。我來造艱  
歲，禾黍秋色淺。荒居因荼刈，風雨老藜莧。閉  
門謝車馬，隱几親筆硯。馬跡巷泥深，庖烟簷  
日晏。深居窺老易，妙理殊自玩。因亨方足  
夸，安勞遠願乖。離感歲月老，色各滿面友。道  
古所敦，尺書莫辭倦。

秋日曠古城

秋日曠古城，西風振塵埃。出門何所之，壞道  
連蒿萊。飛鳴雞犬稀，破屋枯壕隈。老圃理蔬



畦晚甲瘦未開輸人暮出城栖鷄一  
回悵然心不怡歸坐勸一杯

題吳熙老風雲圖

兩脚橫空萬牛弩烈風吹山  
欲仆草披木拔何足道大江翻瀾失洲渚路旁失轡者誰子道阻且長泥沒履鞭驢挽車亦何急目眩心搖行不顧我生飄蓬慣羈旅頽南艱難遂亦屢衲被蒙頭不下堂且與身謀安隱處

二十三日晨欲飲求酒無所得戲作

張君所欲一壺酒百計經營卒無有夜來客至餅已空晨起欲飲還戒口努力忍窮甘寂寞人間萬事如反手百壺一醉有底難造物謔戲君須受

淮陰大亭山主崇岳連與余諸父遊今年七十餘耳目聰明筋力強壯奉戒精苦禪誦不輟聞余自黃歸欣然空所居而相延日與之語或寂然相對終日使人之意消也因賦此詩



我來之初季春月門外李花如積雪杜門燕  
坐度長夏庭樹秋風忽騷屑西馳老火不復  
憶急雨淒風爭應節紫貂暴日知有待畫扇  
依牆將怨別蒸雲積潦漸收拾惡木煩蕪稍  
摧折不知此事誰主張躍馬奔車忽回轍嗟  
予行世蹈坎塹僅免豺狼膏齒舌三年閉戶  
餓江吳脫粟無餘衣百結近者皇天忽悔禍  
雨施雲行咸溥雪復官還職通海內爭脫囚  
冠鳴佩玦老天龍鍾衆人後一舸循江信沿

涉風波歷盡見故鄉親友相逢驚白髮道人  
已老見我喜靜掃高堂客憇歇俳龕日近得  
香火僧飯時容供粗糲讀書小技漫勤苦安  
禪大觀無分別久便閒放輕福利已脫憂危  
傲繲絕天時進退古不忒人事興衰今屢閱  
酒濃村店足斟酌魚美長淮恣哺啜從今萬  
事付天工致安民 看夔契

見黃仲達感秋意

秋風吹衡茆寂歷如荒村獨立無與語悲虫



鳴草根老木經疾風枝葉僅得存踈蔭不滿  
地白日耿當軒北城有黃仲眸子清不渾時  
能出秀句寶鐵雕璣璫念將舍我去為吏國  
西原荒涼古中年晝夜輪蹄奔青衫給吏役  
懷慙未易論強顏詭應接有抱誰有言從容  
未去間無厭走黃昏

黃昏每相訪  
常以存夜

### 服仙靈脾酒

冷氣侵吾髀趨拜劇苦艱仁哉神農氏遺藥  
驅痼瘵持錢取之市易得如茆芫藥枝與芳

葉盡取無可刑貯之白練囊漬以壺酒寬七  
日以供飲跛曳皆翩躚呼兒謹蓋藏用此九  
轉丹平生誤信書安坐得老遭方書豈盡信  
柳子固無言事固有然者豈容盡欺謾疾走  
非吾願且復輔羸殘

孫志康許為南釀前日已聞糴米欣  
然作詩以問之

平生一尊酒風月不可無謫官將十年一醉  
未易圖市豈無旗亭官亦有酒罇薄若與釀



酸一滴不可沽英、孫夫子臭味真吾徒自  
云得異藥乃出粳稻腹歲久精粹去、者乃  
其粗醞釀纔浹日芳甘已盈壺儉人喻其力  
若火經郊蘆此語真野陋殆出負販夫前日  
聞吉語糴米已在途每恨乏陳糶價直如買  
珠憐君久客囊傾倒無復餘假器走僕僮供  
我一笑娛欲為漉巾潛請學滌器如作詩以  
訊之何日陳尊孟

送孫志康赴高陽

三觴草豈足飲聊具數刻留君歡年來故  
友半零落每念及此傷肺肝淮陽窮栖幸見  
子甯中鬱結為少寬奈何舍我去不願薄宦  
謀食何艱難陳郊窮秋苦雨霽積雨未受短  
日乾念君匹馬走坡坂蒙犯霜雪勤征鞍吾  
遭坎壈皆自取之蘇何得南其轅維然男子  
豈常爾且復養此凌雲翰

秋日喜楊介吉老寄藥

閩坊遠市穀終日掩衡門惟有風中葉蕭騷



終日聞午枕不成寐起坐無與言喜聞故人  
書珍藥幸見存其方受仙聖其效未易論豈  
惟蠲沉痾庶可輔本根珍重復珍重厥價萬  
瑛璫永年未可冀康保無夭昏

歲暮即事寄子由先生

歲暮淮陽客貧閔而有餘朝昏面壁坐風雪  
閉門居老去深依佛年衰更嗜書未能忘素  
業聊用慰窮途下里皆貧屋閉門即古壚雞  
豚來近舍春汲賴隣夫雪壓移來竹霜著自

種蔬烏皮蒙燕几褐帽裹僧顛肉似聞韶客  
齋如持律徒女寒愁粉黛男窮補衣裾已病  
藥三暴辭貧飯一盂長瓶掛墻角短褐倒天  
吳宵寐衾鋪鐵晨炊米數珠大撓隨杜脰嘗  
製煖寒軀時命今如此功名已矣乎談愁風  
射馬拙待兔逢林久慕真成樂深諳夢境虛  
誰憐九頓首正有一長吁瞻望身空老蒼茫  
歲欲除何當聞妙誨黠剛待完膚

贈程公異



我昔出守來丹陽江流五月如探湯史君之  
居在山腹繞舍樹石何青蒼千年藥根蟠井  
底靈液浸灌通寒漿人言枸杞精變狗夜吠  
往：聞空廊金山蕩瀟浪花裏一舸遙去隨  
漁郎最奇岩齋人迹少乳水時滴白石牀翠  
龜波施負日色白騎樛舞占風祥我泊金山  
凡十日窮探力取無遺忘南風吹我渡江去  
已獸淮南塵土黃二十年間多少事身如疲  
馬起復僵淮南窮栖衆人後朝食不充藜藿

腸公來衰顏得一笑側聽高論驚尋常窮閭  
過我坐至暮滿懷珠玉無粃糠乃知世間有  
清議未可盡以己意量精金白璧天所寶理  
無破碎委道旁半年耳冷不聞此過公矍然  
神激昂論文自顧已老醜從事理絕隨飛翔  
斯文有屬不但爾因公作詩我涕滂

用歐陽文忠韻雪詩

密雪當殘臘衝風到華門洒窓驚紙濕入竹  
覺散繁天濶飄無界城高積有痕氣和歸夢



壠水味到茶軒廣陌無游騎空郵有滯轅炎  
爐聊自煖濁酒僅能溫野迥征鞍設邊寒塞  
甲屯振竒歌歷一田袖舞躑一客至須駝褐  
相逢賴酒樽晴明占草木春意到闌園

贈李德載二首

我家外翁天下士欲以文章付孫子愛君非  
角已食牛屨書筆下無停字願君飽讀大父  
書學到莫憂名不似重教我輩見風流更以  
餘波變鄉里

長翁波濤萬頃破少翁巉秀千尋麓黃郎蕭  
蕭日下鶴陳子峭一霜中竹秦文倩慘舒桃  
李晁論崢嶸走金玉六公文字滿人間君欲  
高飛附鴻鵠

四月望日自孝悌坊遷冠蓋孫氏第

青蕪滿古城白日照大澤街荒雞犬闌市遠  
喧闐寂中有騰一者淮陽四年客坐偷太倉  
粟穩睡而飽食平生願陳力衰老困逼迫何  
曾一可意但有百無益偷安淺夫志苟且志



士惜窮通有天理誓不安苟得朱陽方肇序  
春去無轍迹悵此復幾時撫事三款息

趙德麟有詩言過萬壽縣得玉芝乃  
以供一醉之味按道書凡芝皆神仙  
上藥無乃輕用之乎

王孫憔悴食無肉天遣枯腸出雙玉荒園夜  
飲供一醉仙物無乃遭輕辱王孫高名滿天  
下割鱠龍蛟刀几熟眼高不為小物變采掇  
僅同葵薤屬憐君十年清穎客年少未甘窺  
藥錄再逢靈藥慎勿輕不死問君安可獨

東園

堂中宴坐不安出堂外青春去如失小園十  
步綠如雲一時桃李事已畢猶殘醱釀數朵  
在未覺塵沙汗玉質金沙格俗終可憐臙白  
嬌紅如欲滴老夫睡起聽山禽竹間林外紛  
嘲嘖筍生漸暝子猷願梅熟未邀朱老喫翻  
書只作隨睡具傾壺屢進忘憂物今春風雨  
稍依節上田麥穗過數尺但知洗眼看世塗



莫厭終年守蓬蓽

送程公巽赴中書舍人

韓筋柳骨世不聞  
程公筆力回千鈞  
十年毅名滿四海  
淮陽邂逅雙朱輪  
老翁空踈亦何有  
察公于我意甚真  
高談疊々雲漢上一掃  
鬪草如灰塵  
夜光明月不計數  
坐使衰弊生精神  
恨無金玉相  
報答還家三嘆嗟  
我貧青燈論文夜  
未分曉聞門外送使君  
問君舍此去安往  
紫皇詔歸侍玉宸  
鉞發斲斷犀象

好為明主裁絲綸  
論思獻納乃其職  
况公之意常在民  
追還三代舊風采  
主以事實致此文  
聖君賢相有美意  
筆端與物為陽春

波稜乃自坡陵國  
來蓋西域也甚能  
解麪毒余頗嗜之  
因考本草為作此  
篇

誰從西域移佳蔬  
遍植中原葵莢覓  
俱清霜嚴雪凍不  
死寒氣愈盛方芽  
數貫金銳箭脫秋  
竹剪羅巧帶飄華  
裾中含金氣抱勁  
利穿滌



炎熱清煩紆老人食貧貪得大釜日煮和  
甘腴飯炊香白煮餅滑一飽盡鉢無贏餘空  
厨蕭條烟火冷可但食客歌無魚男兒五鼎  
食固美當念就鑊還愁吁

北隣賣餅兒每五鼓未旦即遠街呼  
賣雖大寒烈風不廢而時略不少差  
也曰為作詩且有所警示和結

城頭月落霜如雪樓頭五更鼓欲絕捧盤出  
戶歌一聲市樓東西人未行北風吹衣射我  
餅不憂衣單憂餅冷業無高卑志當堅男兒  
有求安得閒

寄道公

知公鼻祖冬之日謫向江山冷無匹粹然真  
氣滿輕軀自言位次神仙秩用草屨人始謝  
老惟公躋居第一鸞腰不舞自欲飛神履  
瞥波元不濕永巷春深簾幕幽西都有人名  
莫愁我老摧頹垂舊約空能時作夢中游

書初涼夜至將曉靈壽寺作



秋房燈火清人語久已寂城遠不聞更警柝  
鳴未息橫參已入地斗柄當天直乃知三更  
中市墨已寂歷我時守書几磨墨傾硯滴反  
覆小學書昏目如芒刺試尋隣房僧鼻鼾皆  
負壁體勞徑就枕冷夢分南北覺來寺鐘鳴  
僧禮像前席須臾聞唵唵木魚如叩石舉頭  
視東牖朝日已淡白反身起披衣神爽健筋  
力亞來酒甕邊側聽敲唧

早稻

早稻如倒戈十穗八九折晚稻不及秀日炙  
根土烈踏車激湖水車衆湖欲竭得泉如沸  
湯早土濕未撤老農祝天工扣額眼垂血游  
雲不作雨風至輒散滅昊天未悔禍牲玉無  
徒設誰能縛妖魃勅起龍撥刺

鳴蜩

鳴蜩嘒高風逮夜且復靜草虫何為者落日  
鳴復逞陰陽且戰爭微物何所競化工執其  
機開闔惟所命朔雁有行意肅肅如待令江



河有舊渚寧畏風霜勁

古意效東野二首

與君雖異坊秋涼各平分已遣月入牖更教  
風掃門照君幌中寢拂君堂上塵綢繆似衣  
帶終日遠君身  
扇不風自涼身不蘭自香深居不出門幽獨  
更清揚為鵲栖君樹為燕巢君堂不食亦可  
飽况乃餐輝光

霜後步西園

濃霜午暄妍短日淡無色回風振中園搖落  
穀策草根飢烏啄飛舞時噴野荒無遺  
粒卒歲將何食鮮西墻下幽草弄寒碧四  
時不吾欺聊假汝頃刻

局中負暄讀書二首

輝短景留寒光重裘不煖貧負陽老人背  
溫一體康我欲持之獻天王天王九重居明  
光玉几翠被女侍傍人不我知謂我狂此心  
耿不敢忘歲云暮矣天雨霜且復持此飲



一鵬

輝、短景留寒光，瓦簷霜濕梧桐黃。老蒼不知春已去，白晝噴、空啼墻。歲云老矣，羈客傷塊，獨守此天一方。牀頭書史，談虞唐，我言匪耄，聽者狂。

輝、短景不能春，照我貧屋亦復仁。虞淵道遠，寒雲屯羲和，愁思墮，厥輪君不見。志士悴，惟甘賤，貧塊處，漏屋含悲辛。重堂溫室顛，醉昏悠、蒼天彼何人。

歲後三日

春風攪空如怒濤，春日寂；在邊蒿，衡門鳥雀舞，不下西園桃李氣，已嬌天邊碧。雲空漠漠，門外荒草，還過、人生幾何。春復夏，可但白首隨漁樵。

正月八日坐局沽酒

為問里閭何蹊躐，上元楚俗習張燈。新春此時最佳處，獨我坐曹如定價。霜林夢澤蒼茫野，烟草江邊寂寞城。小飲未能來啜菘，雙眸



終日冷如水

張右史文集卷第十三

張右史文集卷第十四

古詩

沈丘道中

霜霧沈遠星  
芳林語春鳥  
客眸帶餘睡  
馬力健清曉  
凝烟披草際  
初日動林表  
心隨和風快  
興與飛雲杳  
芬菲悵已晚  
夏陰生桑棗  
慷慨一據鞍  
此懷殊未了

和楊念三自武昌至京師

三年別我客荆州  
一日長安從我遊  
愛君詩



有春草句使我神遊黃鶴樓江山望爾欲穿  
眼見我驚嗟秋髮短扁舟可辨吾欲東年來  
五湖魂夢中

贈蔡彥規

我不見蔡子杜門十日餘今日叩我門滿手  
携瓊琚鏗鏘寫我前雜以貝與珠我愕不知  
報低頭驚且吁讀畢致于懷餘光溢衿裾坐  
令簞瓢室磊砢堆瑤瑤我拙寡所合甘為不  
才樗嗟君何所聞屢枉長者車我來淮南遊

藹子之譽驛驢走千里凡馬安能逾奈余  
不自量痛鞭而疾驅常憂過所往疲憊傷吾  
驅願君少待我且欲休吾駒跳奔舍其群子  
樂誰與俱俯身援其類畏亦仁之徒不然但  
用我畏甚將逃遁何如少貸之效技供子娛  
我無功名願與世日益踈反慕古沮溺窮年  
事耕鉏皇皇吾夫子憂世亦勤渠雖然竟何  
就孰若安以居人生各有懷未用相賢愚得  
樂願即止安能較錙銖又疑異所任勞逸事



亦殊作歌以訊之子意當何如

寄劉聲在海州作

別君幾何時人事浩千萬身如張射侯憂患  
劇強箭崎嶇走窮縣艱苦君所見未知水菽  
豐已感霜露變羈孤寄窮海親友誰弔唁析  
圖補冬裘乞米煮朝飯無聊猶自惡援溺固  
誰顧人生不終否此語非我分英雄伏泥塗  
暫晦久必現如子百不能理自合貧賤豈當  
議隱顯而有不過歎但思窠山林遠脫人世

患有田足耕耘有水足罩汕蕭然便終老到  
死百不問平生泥佛祖久已師壁觀况將無  
生禪下視有為幻吾子出群材千牛有餘刃  
行當脫塵埃鳴佩待清燕高卑各有得願勿  
譏尺鷃不有行道入誰當佐堯舜時哉勿自  
滯功業在力勸握手不可期此計吾行辨

寄陳九

別來常思君無異飢待哺如何偶相逢握手  
復告去念初別子時芳草纔及屣天時不可



留再見歲云暮出門恠子瘦告我困道路飄  
飄千餘里陸走復水沂古來黃金盡壯士色  
亦沮斯人獨何少乃有衣食慮才高窮不怨  
文字工綵繡可觀不可用章甫冠士偶子能  
獨不然渾樸謝雕鏤寧為目前玩功見施設  
後知心古所難形兀實難售嗟君聽者寡風  
雨但孤雛又思理難常功業亦邂逅豈令匠  
運斤常縮袖間乎無為扣角歌且進滿尊耐  
但非遽可令有所待而偶干將伏黃土氣乃

在牛斗顧君久自安蔽抑寧復又

贈江瞻道

我行于四方其所急者友嗚呼得之難百不  
一邂逅人心不可齊若十指于手隨其短與  
長亦各有所取剛或硬而折柔有弱而仆質  
良文不揚中美外莫副寬壺泛以枵狹盜迫  
而陋此猶其大槩瑣難悉究譬如選長材  
棄百不一有其間雖得之猶或煩矯揉我友  
居淮濱飲德悉自幼豈期羈旅間乃獲聞馨



歎嗟君如美玉外微中乃厚埋藏困塵埃要  
以不可垢他人十不一子乃得八九餘虧能  
幾何不待勉而就乃知昔求艱特以見未久  
志大貧若富吾將告君理子其  
聽我佈人生不終窮否泰亦有數子其保所  
有雖穎囊必露古來立功名其始不無忤得  
難失自寡進銳退亦遽念君歸海瀕誰與朝  
夕聚我方困而學每冀朋友助一從城北歸  
夢魂見已屢願因南來者時以尺書寓

呈徐仲章

朝日照高簷夜霜猶在瓦纖纖  
牆邊柳春色已可把殘年能幾何  
奔馳劇湍瀉雖無功名求衰暮亦悲  
吒出門問徐子兩計決取舍為當勉  
自修汲汲不可暇為當飲美酒送老在  
杯筭子當指我途我即策其馬但恐  
懶拙姿終非服勤者

正月望夜示童子

呼童致明燭展我窓前書願謂南童子此豈



不足欲得真自忘偽觀一知其餘甬觀千萬  
燈豈與一燭殊爾豈不欲醉舉杯傾我壺甬  
豈不欲飽構火烹我魚人生貪外物要以樂  
其軀吾求曷不足安用勞馳驅

贈敦復

敦復想為詩日見無全牛天工忌其才小邑  
使拘囚漫塗以塵埃訟訊群啾、尚于紛紜  
中逸興時奔流不知誰使之督甬為南遊驛  
驢解其繫鷹隼脫于鞲山川困搜羅風月遭

嘲咻舉手聊探之縱橫爛琳瑯不有同行入  
更歌而迭酬天應憫予勞久苦暫使休奈何  
少縱之一放不可收歸來見我喜逸氣凌高  
秋我竊不自量安將覽其輞心知不可追子  
幸為我留君方嚴旗幢我亦戒戈矛將圖詰  
朝見百敗非予羞

讀戚公恕進卷

世方尚纖柔子獨不可揉人皆喜啾、子語  
不出口巉然即之高信子競嘲詬我嘗要之



難快使暴其有乃知謗之非更覺所得厚由  
來難小知此固可大受讀書常辛勤世務飽  
經構琅：滿編文一、可推究俗儒昧事實  
但憂奔莫及敢憚喘而走我心  
子所知獲豁無所困是以行于世往、得嘲  
詬人才如其面不自知好醜立之明鑑前乃  
見其可否子于我無嫌告我當若口我惟于  
改過竊不敢自後嗟予迫飢寒子亦仰五斗  
何當兩有歸投老作鄰叟

與友人論文因以詩投之

我雖不知文嘗聞于達者文以意為車意以  
文為馬理強意乃勝氣盛文如駕理維當即  
止妄說即虛假氣如決江河勢盛乃傾瀉文  
莫如六經此道亦不舍但于文最高窺不見  
隙罅故今後世儒其能及者寡文章古亦眾  
其道則一也譬如張衆樂要以歸之雅區、  
為對偶此格最汙下求之古無有欲學固未  
暇君為時俊髦我老安苟且聊獻師所傳無



以吾言野

寄參寥

春風入楚鄉與子別經歲有客過我門携君  
尺書至昔我出京師倉皇省家事遂令千里  
別不一執君袂又聞子亦行杖履若飄駛雖  
成相思詩欲寫不可寄飄飄山水夢時與飛  
錫值乃能以書來知子猶我記浮雲隨高風  
聚散未可計遲君冰雪詩濯我塵埃思

送胡考甫

胡公精悍姿勇氣如秋鷹兵書百萬言揮塵  
談如傾羞戴文吏冠慨然喜功名願得丈二  
笏為國作長城朝廷士力盛戰馬如雲騰貔  
貅飽肉食武庫森神兵此豈不足用麾之若  
雷霆如何彼黠虜坐敢邀金繒由來在得將  
選擇當至精譬如養麒麟有御乃能行安得  
偉丈夫長驅兩隅清淮南聽公語乃是衛霍  
朋終軍白面兒尚欲請長纓縱橫老将手出  
袖盡一主策馬勿自滯我將觀厥成一奮庸



將驕汎灌出精英立功報天子執節擁旗旌  
男兒當封侯寧為老書生

旦起

漫、東牖白開帷納晨光欠伸推夜枕叩齒  
披朝裳瓦盞汲石泉漱濯齒頰涼維茲孟夏  
初宿雨清高堂栖鳥起且啁露鶯鳴更藏悠  
悠曉花殷落、古柳蒼西舍初鳴春東隣出  
求糧客馬已別櫪商車欲踰崗羲和一陽輝  
群動皆擾攘有生無不求誰得偃于牀人生

但如此勤苦亦可傷况我病倦翮飄、信風  
翔永懷中林士栖志烟霞鄉願言寄旅跡相  
託以徜徉

庭草

冉、朝雨霽欣、禽哺雛鮮、中庭草佳色  
日已敷童子惡其蕃謁我盡掃除我為再三  
擷愛之不能鉏人生群動中一氣本不殊奈  
何欲自私害彼安其軀况我麋鹿性得此亦  
可娛延蔓藩籬間常若田野居亭、濯露曉



偃：披風餘所嗜乃若此我生合樵漁

寄荅參寥五首

昔我初見子，時客京師聞名久不獲既得  
過所知示我一卷書大小百首詩我嗜不可  
輟熊蹯薦朝飢約子彭城游念當行有期中  
間忽倉卒決去不予辭子後來高郵我居淮  
之湄中間無百里詩句屢交馳客來得子書  
云子久南歸投書不能讀恨我聞之遲使我  
早知此扁舟尚能追遠別不執手近居不相

携每念：恨者耿：中腸悲子行日已南我  
去日已西音書不可頻何以慰我思

蘇公守吳興水山方有主子兮從之游挂錫  
當可駐塵埃困孤鶴念子久失所秋風展其  
翼道使萬里去青雲引高唳真絕誰敢伍余  
駒欲西秣東我江海曠平生二三子往：在  
南土子才得所樂我拙日益魯拳：相思心  
契濶不得語

秦子我所愛詞若秋風清蕭：吹毛髮蕭：



不  
爽我情精工造奧妙寶鐵鏤瑤瓊我雖見之  
晚披豁盡平生又聞與蘇公復與子同行更  
酬而迭唱鐘磬日撞鳴東吳富山水草木餘  
春榮悲余獨契濶不得陪酬廢

我生為文章與眾常不偶其所為詩不笑  
即嘲詬少年勇自辨盛氣爭可否年來知所  
避不敢出諸口時時未免作乞以千襲厚低  
心讓兒曹默々眾人後見君不能已頗亦陳  
所有君豈少取之時以佳句授幽絃喜有聽

清唱慰孤奏如何暫然去使我不得友

蕭々江湖客踈瘦若秋竹苦心為詩草日夜  
撓心腹清絃無浮教促柱有哀曲湔々幽岩  
泉一々清可掬人生于文章初苦力不足及  
其成欲售又困替者日子從吳興公乃獨獲  
所欲得意有知賞幽懷免窮獨嗟予失所投  
痛學自藏覆子當慰我窮時寄書數幅

夏日雜感四首

我前十日至柳葉不蔽日我後十日來芳條



如紉室枝間有好鳥鳴和若琴瑟渠、哺其  
雛啄我園中實梢、荀成竹濯、草過尺心  
驚歲已半念此日月疾朝來數葉墮盛夏有  
萎色悲哉一陰生長養從此極  
士而懷其居孔子亦云非賢臣事晉侯夜載  
使逃齊醜毒比晏安君子不可怡樂小必害  
大安近遠之迷野芻養騏驥當念和鑿馳一  
飽願即止幾何非犬雞高賢意有在汲、不  
敢遲安能守槽樞長伴兒曹嬉

群動入夜息我歸亦安眠脫我身上衣援枕  
體晏然朝日常營、有生不可問義和載其  
光幸此須臾間人生一世中大小無百年胡  
為不自暇長抱勤苦歎才者勇設施誕者夸  
死推彼有驅其心欲休諒無緣我本與世疎  
少慵老成頑何為不引去坎珂行所艱

娟、簷前月雖缺自娟好團、理絲虫養身  
恃其巧無能老蝙蝠乘夜出堂奧那能捕飛  
蚊未解聒耳鬧悲歌草間蚓辛苦自鳴噪南



生可以默何所欲而踈鳴蛙訴其渴謂若天  
可禱瘖蟬死不鳴豈以訴無效悠々群動情  
誰得辨醜好戒歌豈徒然亦用自警告

和周楚望

宿雨生曉潤繁雲滋暑陰我居廢不葺常苦  
積雨侵果墜猷風惡草沉知潦深拳々抱幽  
歎耿耿嬰煩襟吾子久不來幽居誰見臨飄  
然得秀句生我江湖心一官亦漫爾勤苦安  
能任何當舍之去拂我塵埃琴飢寒仰五斗  
求尺而忘尋悲我復契濶誰復知吾音

秋日晨興寄楚望

夜雨霽清曉浮雲散涼川幽人理青髮汲彼  
石井泉焚香展素帙持珠諷妙言晨暉淡悠  
揚秋霞麴紺天萋花開露餘孤葉零風前感  
此芳節晚長嘯心悠然傾觴散滯念殮菊留  
華年牢落歲暮心非君誰與宣

感秋呈宏父兼呈周楚望三首

西風吹我舟繫纜岼邊柳蕭々落船葉日夕



煩我蒂心驚芳歲晚日月去如走搔我髮邊  
髮少壯寧復久平生拙謀身辛苦為五斗苟  
逃飢寒憂不敢擇所受心因摧折低面苦塵  
埃垢踈警前勇悅蹈新功名委之命  
寧足計薄厚獨携古人書千古相獻侑我烹  
亦有魚我酌亦有酒非求與俗違聊以安吾  
守

西風中夜來飛雨隨以至攬衣不能眠起坐  
為涕泗炎蒸雖云酷香草猶可佩清商來無  
情凋我蘭與蕙吟草虫悲裊露蟬嘒高  
梁燕如客鍛翮鷹方驚乾坤本無心萬物隨  
一氣如何于其間感愴坐自累置之勿復道  
得酒但知醉陶然杯杓間蕭洒無餘事

浮雲無停陰急雨來清秋颯水上風吹我  
千里舟二年客淮楚乞米充飢喉空堂堆詩  
書冷落妻子羞搵舟將何之漫浪為西遊豈  
不厭奔走貧賤無良謀人生天地間如萍水  
中浮安得必所往南北但隨流達者知其然



委已任去留止若寄渚雁行如浮海桴萬物  
本無事百年漫多憂冥懷付造物俯仰余何  
求

和登城依子由韻

步登高城望望殊未已惟時歲將窮冬孟  
月魄死紛吾方有懷一坐為三起悲歌擊枯  
枿散與淚俱至人生隨大鈞命不貸君子付  
之無如何外垢資內洗前知賤終吉外頗與  
愚似開門張瓊瑤誰者目不寄支離冒多福

婵娟畏獨美舉頭蒼天高歎此青雲士酌公  
芳尊酒願公百憂止履善神所勞委置目前  
事

西華道中

我行陳許郊千里平若掌居民雜荆榛耕少  
地多曠野兔乍跳奔鷺鷥或高颺喬林多疾  
風寒澗有餘漲棘籬蔽茅屋雞犬入村巷主  
人掃土塌秣馬具朝餉童兒汲土井敗飯堆  
瓦盞勿悲為生陋自足無他望嗟余走薄宦



奔走年將壯長抱羈旅愁何時稅歸鞅

泊南京登岼有作呈子由子中子敏

逸民

客行歲云暮孤舟衝北風出門何蕭條驚沙  
吹走蓬北涉淮河水南望宋王臺落葉舞我  
前鳴鳥一何哀重城何誼車馬溢四郭朱  
門列大第高甍麗飛閣湯湯長河水赴海無  
還期蒼栢與松崗原常不移覽物若有歎  
誰者知我心口吟新詩章手撫白玉琴鳴琴

感我情一奏涕淚零子期久已死何人為我  
聽推琴置之去酌我黃金壘幽憂捐華姿流  
景良顏易

宿合溜驛

空庭野雀噪客至休我駒盡日衝塵沙解裘  
振裳裾熒青燈光夜永寒堂虛破窻見星  
斗明月照廣除篝火旋烹煎妻兒具盤盂強  
飯一為飽困眠體微舒嗟我山野姿懶拙與  
世疎如何強所難妄躡仕進途已習未易舍



欵行倦馳驅悲哉不早計既晚空嗟吁

至日離許州

先王重至日靜息資微陽閉闔絕商旅后為  
不省方我獨何為者古寺巖晨裝酌酒飲僮  
僕披裘冒朝霜眷彼道路人熙然樂而康尊  
酒迭為壽華衣冒鮮粒懷居固非士遠客亦  
可傷悠哉任行止且復傾吾觴

張右史文集卷第十四

